

16. nóvember 2020


Umsögn vegna máls Nr. 239-2020

Drög að frumvarpi um breytingu á ýmsum lögum um skatta og gjöld (skattalegir hvatar fyrir lögaðila sem starfa til almannaheilla).

Fulbright fagnar því að skattalegir hvatar styðji við starfsemi þriðja geirans og sérstaklega því að gjafir til almannaheillafélaga verði frádráttarbærar, enda séu slíkar gjafir mikilvægar í starfsemi stofnunarinnar og gert ráð fyrir að þær verði enn mikilvægari í framtíðinni. Sem dæmi má nefna að sérgreint gjafafé frá velunnurum Fulbright stofnunarinnar hafi kostað námsstyrki til tveggja námsmanna á síðustu árum.

Fulbright vekur hins vegar athygli á því að skilgreiningar frumvarpsins á hugtakinu „almannaheill“, og sérstaklega ummæli í skýringum með frumvarpinu, kunni að valda óskýrleika. Fulbright stofnunin hefur óumdeilanlega með höndum „starfsemi sjálfstæðra háskólasjóða og annarra menntasjóða“, sbr. e. lið skilgreiningarinnar. Í skýringum með frumvarpinu segir hins vegar að ætlun frumvarpsins sé að ná til menntasjóða „sem eru sjálfstæðir gagnvart hinu opinbera, þ.e. eru ekki háðir fjárveitingum úr ríkissjóði og ekki reknir í atvinnuskyni.”

Fulbright stofnunin telur afar mikilvægt að útskýra í frumvarpinu að móttaka á fjárframlögum úr ríkissjóði valdi því ekki, eitt og sér, að félag falli utan skilgreiningarinnar á almannaheillafélagi. Fulbright stofnunin, líkt og fjölmörg félög innan þriðja geirans, hefur tekið við framlögum úr ríkissjóði svo og úr öðrum áttum. Sú staðreynd að félag hafi hlotið framlag frá íslenska ríkinu ætti ekki að koma í veg fyrir að félag teljist almannaheillafélag.

**Belinda Theriault,**

Framkvæmdastjóri Fulbright stofnunarinnar á Íslandi